

1285
L'ESPRIT
DV DVC

DE

CHATILLON

APPARV

A MONSIEVR

LE PRINCE

DE CONDE

Desrolins




Prieur de Monthion

A PARIS,
De l'Imprimerie de NICOLAS IACQVARD, rue
Chartiere, près le Puits Certain, au Treillis vert.

M. DC. XLVIII.
AVEC PERMISSION.

1286

REPORT
D.V.C.
DE
CHATELAIN
AT PARV
A MONSIEUR
LE PRINCE
DE CONDÉ



A. PARIS,
Bibliothèque de Nicolas de Condé,
Château de Chantilly,
Seine-et-Oise.
M. DE CONDÉ
1611-1686



L'ESPRIT
DV DVC
DE CHATILLON,
APPARV
A MONSIEVR
LE PRINCE
DE CONDE'



PERSONNE n'ignore pour peu
qu'il soit expérimenté dans l'Hi-
stoire, que lors qu'il doit arriver
quelque grand malheur dans vn
Royaume, il y a tousjours des
Prodiges qui servent comme d'avant-coureurs,
& qui advertissent les hommes d'un notable

changement & de quelque estrange revolution: Ce qui se rencontre dans le general, se trouue dans le particulier; & Dieu a tant de bonté pour ses creatures qu'il nous fait presque tous-jours sçavoir les dangers que nous auons à éviter. Les moyens les plus ordinaires dont il se fert selon l'advis de tous les Doctes, sont les songes; & ceux qui arriuent le matin ont ordinairement quelque chose de mystereux: Ce fut environ la pointe du jour que l'esprit du défunct Duc de Chastillon tué en l'attaque de Charenton, apparut à MONSEIGNEUR le Prince, & luy tint à peu près ce Discours;

GRAND PRINCE, qui estes connu dans toute la terre, par vostre naissance & par vos belles actions; dont les victoires sont aussi remarquables que celles des Césars & des Alexandres, est-il possible que parmy tout ce Grand Monde qui vous environne, il ne se touue personne qui vous oze dire la vérité, & qui vous rapporte fidèlement les Discours & les Sentimens que j'ay eu à l'article de ma mort; puisque tous ces flateurs n'osent vous parler franchement de peur de perdre pour peu de temps l'honneur de vos bonnes graces, & qu'ils considèrent plus leurs interrests particuliers que les vostres; j'oseray représenter la
verité

vérité naïfvement à vostre Altesse, puis qu'on
 sçait qu'à present ie suis destaché de toute sorte
 de passion, excepté de celle de vous voir tous-
 iours victorieux, & chery de tous les bons
 François. Sçachez donc Grand Prince, jusqu'à
 present invincible, que si j'ay regret d'estre hors
 du monde ; ce n'est pas que ie sois poussé du
 desir de goustier plus long-temps les plaisirs de
 la terre, puis que ie reconnois qu'il n'y a point
 de felicité que dans le Ciel ; moins bien d'avoir
 perdu la vie en portant les armes contre ma
 patrie & pour la protection d'un homme que
 ces crimes obligent plustost de livrer que de
 defendre. Ha ! que j'ay vn sensible desplaisir de
 ce qu'on dira vn iour dans l'Histoire que Dieu
 m'ayant préservé de quantité de hazards
 dans les combats, & encor depuis peu dans
 cette fameuse bataille de Lens, ou vostre va-
 leur triompha du nombre de nos ennemis, il
 ne m'ayt tiré de tous les malheurs, que pour
 permettre que ie perisse en défendant vne cau-
 se dont l'iniustice m'estoist assez connuë, & que
 ie n'ay iamais embrassée que par la considera-
 tion de vostre personne. Si vostre Altesse vou-
 loit croire mes conseils, elle restabliroit sa ré-
 putation, qui est presque perduë, elle feroit re-
 flexion qu'il y a vn Dieu qui protege les bons
 & chastie les meschans, qui ne laisse rien im-
 puny : Que les larcins, les incendies & les sa-

crileges luy demandent continuellement vengeance , que les blasphemes & les violences vous feront perir insensiblement sans donner de combat , & que ses impietez qu'on profere si hardiment , & que vous souffrez en vostre personne , sont les veritables moyens d'attirer la colere de Dieu sur vostre armée & sur vous mesme. Il est plus jaloux de sa gloire qu'aucun Prince dela terre , & l'experience nous apprend que la fin des impies est tousjours accompagnée de quelque estrange Catastrophe , & qu'elle est en abomination à tous les hommes. C'est ce Dieu qui vous a fait triompher de nos ennemis dans ces fameuses batailles de Philisbourg , Nortlinguen , Rocroy ; & encor n'aguères dans la pleine de Lens : & c'est ce Dieu mesme qui vous abandonnera lors que vous porterez les armes contre vostre patrie , & pour deffendre vn homme que ses crimes ont rendu son ennemy mortel & irreconciliable. Il est vray que vous avez tousjours esté victorieux iusques à present : mais considerez aussi , s'il vous plaist , que la fortune a tousiours secondé vostre courage , & que la Victoire qu'on d'épeint allée pour tesmoignage de son inconstance , peut aussi-tost embrasser leur party que le vostre. Representez-vous, M O N-SEIGNEVR , combien de fois les Gaulois nos predecesseurs ont esté victorieux , & que

toutesfois ils n'ont pas laissé d'estre rendus tributaires & esclaves des Romains leurs ennemis capitaux. Enfin, il est comme impossible que vous puissiez persister dans vos desseins sans succomber dans vne si hardie entreprise: Croyez vous estre plus avisé que Monseigneur le Prince de Conty vostre frere, plus prudent que le Duc de Bouillon, plus genereux que les Ducs Delbeuf & de Beaufort, & plus brave Capitaine que le Marechal de la Mothe-Houdancour; N'est-ce point que vous avez esperance en la justice de vostre cause: Sçachez, MONSEIGNEUR, qu'il n'y en eut iamais de plus injuste? Qu'elle apparence de vouloir affamer vn milion de personnes qui ne sont coupables d'aucun crime, sinon, qu'ils ayment mieux mourir que d'estre privez si long-temps de la presence de leur Roy. Les cris des pauvres, & principalement de l'Hostel-Dieu de Paris, demandent vengeance contre ceux qui les affament; qu'elle pitié de ne leur avoir pas accordé vn Passe-port pour quelque Provisions qui leur estoient necessaires. Ce Grand Dieu qui sera Iuge de toutes vos actions a eu pitié de Ninive, en consideration des Iumens & des enfans qui estoient à la mammelle, & les gemissemens & les larmes de tant de personnes ne peuvent amollir vostre Cœur. Et bien, MONSEIGNEUR, supposez que vous

remportiez la victoire (ce que j'espère qui n'arrivera iamais) qu'elle satisfaction aurez-vous d'avoir abbrevé vostre Patrie du Sang de ses Enfans, & de vous esleuer vn Throphée des Corps de vos Compatriotes, pour ne pas dire de vos Freres.

Que cette Republique estoit loüable qui donnoit plus de recompence pour auoir sauué vn Cytoyen, que pour auoir tué dix ennemis; & que vous seriez coupable si vous auiez à leur rendre compte de vos actions? Quittez donc, **MONSEIGNEUR**, ce party si déraisonnable, secourez le peuple de Paris, & vengez l'outrage qu'on leur veut faire; abandonnez vn homme que ses crimes ont fait hayr de tous les peuples, qui a tasché de faire perir vostre Altesse au siege de Lerida, la laissant manquer de tout ce qui lui estoit necessaire pour vne si haute entreprise; & ainsi vous serez beny d'un chacun, & vostre Nom sera en bonne odeur à tous les Peuples de la France.